



BOLETÍN DEL CLERO

DEL

OBISPADO DE LEON

EPISTOLA ENCYCLICA DE UNITATE ECCLESIAE (1)

Atque hanc, de qua loquimur, potestatem illa declarant et confirmant: *Et portae inferi non praevalent adversus eam.* — *Quam autem eam? an enim petram supra quam Christus aedificat Ecclesiam? an Ecclesiam? Ambigua quippe locutio est: an quasi unam eandemque rem, petram et Ecclesiam? Hoc ego verum esse existimo, nec enim adversus petram, super quam Christus Ecclesiam aedificat, nec adversus Ecclesiam portae inferi praevalent. (2).* Cujus divinae sententiae ea vis est: quamcumque visi invisique hostes vim, quascumque artes adhibuerint, numquam fore ut fulla Petro Ecclesia succumbat, aut quoquo modo deficiat: *Ecclesia vero tamquam Christi aedificium, qui sapienter aedificavit «domum suam supra petram,» portarum inferi capax non est, praevalentium quidem adversus quemcumque hominem, qui extra petram et Ecclesiam fuerit, sed invalidarum adversus illum. (3).* Ergo Ecclesiam suam Deus idcirco commendavit Petro, ut perpetuo incolumem tutor invictus conservaret. Eum igitur auxit potestate debita: quia societati hominum re et cum effectu tuendae, jus imperii, in eo

(1) Véase la pág. 372.

(2) Origenes, *Comment in Math.*, tom. XII, n. 11.

(3) Origenes, *Comment in Math.*, tom. XII, n. 11.

qui tuetur est necessarium. Illud praeterea Jesus adnexuit: *Et tibi dabo claves regni caelorum*. Plane loqui de Ecclesia pergit, quam paullo ante nuncuparat *suam*, quamque ipsam velle se in Petro dixit, tamquam in fundamento, statuere. Expressam non modo *aedificii*, sed etiam *regni* imaginem gerit Ecclesia: ceteroqui insigne usitatum imperii claves esse, nemo nescit. Quapropter *claves regni coelorum* cum Jesus dare Petro pollicetur, potestatem et jus in Ecclesiam pollicetur daturum: *Filius vero et Patris et sui ipsius cognitionem per totum orbem illi (Petro) disseminare commisit, ac mortali homini omnem in coelo potestatem dedit, dum claves illi tradidit, qui Ecclesiam per totum orbem terrarum extendit, et coelis firmiorem monstravit* (1). Concinnant cetera: *Quodcumque ligaveris super terram, erit ligatum et in coelis, et quodcumque solveris super terram, erit solutum et in coelis*. Ligandi solvendique translata locutio jus ferendarum legum, item judicandi vindicandique designat potestatem. Quae quidem potestas tantae amplitudinis virtutisque dicitur fore, ut quaelibet decreta ejus rata sit habiturus Deus. Itaque summa est planeque sui juris, quippe quae nullam habet in terris superiorem gradu, Ecclesiamque totam et quae sunt Ecclesiae commisa, universa complectitur.

Promissum exsolvitur, quo tempore Christus Dominus, post anastasim suam, cum ter a Petro, num se diligeret plus quam ceteri, quaesisset, praecipientis in modum ei, *Pasce*, ait, *agnos meos... pasce oves meas* (2). Nimirum quotquot essent in ovili suo futuri, omnes illi velut pastori committit: *Dominus non dubitat, qui interrogat, non ut disceret, sed ut doceret, quem elevandus in coelum amoris sui nobis velut vicarium relinquebat... Et ideo quia solus profitetur ex omnibus, omnibus antefertur... perfectiores ut perfectior gubernaret* (3). Illa vero sunt pastoris officia et partes gregi se praebere ducem, eundemque sospitare salubritate pabulorum, prohibendo pericula, cavendo insidias, tutando a vi: brevi, regendo gobernando. Cum igitur Petrus est gregi christianorum pastor impositus, potestatem

(1) S. Joannes Chrysostomus, Hom. LIV, in *Matth.*, n. 2.

(2) S. Joan XXI 16-17.

(3) S. Ambrosius, *Exposit in Evang. secundum Lucam*. lib. x, nn. 175-176

accepit gubernandi omnes homines, quorum saluti Jesus Christus profuso sanguine prospexerat: *Cur sanguinem efudit? Ut has emeret oves, quas Petro et successoribus ejus tradidit* (1).

Quoniamque immutabilis communione fidei christianos omnes oportet esse invicem conjunctos, idcirco suarum virtute precum Christus Dominus impetravit Petro, ut in gerenda potestate numquam fide laberetur.: *Ego autem rogavi pro te, ut non deficiat fides tua* (2). Eidem praeterea mandavit ut quoties tempora postularent, ipse impertiret fratribus suis lumen animi et robur: *Confirma fratres tuos* (3). Quem igitur fundamentum Ecclesiae designarat, eundem esse vult columnen fidei: *Cui propria auctoritate regnum dabat, hujus fidem firmare non peterat, quem cum petram dicit, firmamentum Ecclesiae indicavit?* (4). Hinc ipse Jesus certa quaedam nomina, magnarum indicia rerum, quae sibi potestate sunt propria, voluit esse Petro secum participatione communia (5), nimirum ut ex communione titulorum appareret communio potestatis. Ita ipse, qui *lapis est angularis, in quo omnis aedificatio constructa crescit in templum sanctum in domino* (6), Petrum velut lapidem statuit, quo fulta esse Ecclesia deberet. *Cum audisset «petra es» praeconio nobilitatus est. Quamquam autem petra est, non ut Christus petra, sed ut Petrus petra. Christus enim essentialiter petra inconcussa; Petrus vero per petram. Nam Jesus dignitates suas largitur, nec exhauritur... Sacerdos est, facit sacerdotes... petra est, petram facit* (7). Rex idem Ecclesiae, *qui habet clavem David: qui aperit et nemo claudit: elaudit et nemo aperit* (8), traditis Petro *clavibus*, principem christianae reipublicae declaravit. Pariter pastor maximus, qui se ipse *pastorem bonum* nuncupat (9), *agnis atque ovibus suis pastorem* Petrum praeposuit:

(1) S. Joannes Chrysostomus, *De Sacerdotio*, lib. II.

(2) Luc. XXII, 32.

(3) Ib.

(4) S. Ambrosius, *De Fide*, lib. IV, n. 56.

(5) S. Leo M., sermo IV, cap. 2.

(6) Ephes., II, 21.

(7) Hom., *de Poenitentia*, n. 4 in appendice opp. S. Basilii.

(8) Apoc., III, 7.

(9) Joan., X, 11.

Pasce agnos, pasce oves. Quare Chrysostomus: *Eximius erat inter Apostolos, et, os discipulorum et coetus illius caput... Simul ostendens ei, oportere deinceps fidere, quasi abolita negatione, fratrum ei praefecturam committit... Dicit autem: Si amas me, fratribus praeesto (1).* Demum qui confirmat in opere et sermone bono (2), mandavit Petro ut confirmaret fratres suos. Jure igitur Leo magnus: *De toto mundo unus Petrus eligitur, qui et universarum gentium vocationi et omnibus Apostolis, cunctisque Ecclesiae patribus praeponatur: ut quamvis in populo Dei multi sacerdotes sint multique pastores, omnes tamen proprie regat Petrus, quos principaliter regit, et Christus (3).* Itemque Gregorius magnus ad Imperatorem Mauritium Augustum: *Cunctis evangelium scientibus liquet, quod voce dominica sancto et omnium Apostolorum Petro principi apostolo totius Ecclesiae cura commissa est... Ecce claves regni coelestis accepit, potestas ei ligandi ac solvendi tribuitur, et cura ei totius Ecclesiae et principatus committitur (4).*

Ejusmodi autem principatum, quoniam constitutione ipsa temperationeque Ecclesiae, velut pars praecipua, continetur, videlicet ut principium unitatis ac fundamentum incolumitatis perpetuae, nequaquam cum beato Petro interire, sed recidere in ejus successores ex alio in alium oportuit: *Manet ergo dispositio veritatis, et beatus Petrus in accepta fortitudine petrae perseverans, suscepta Ecclesiae gubernacula non reliquit (5).* Quare Pontifices, qui Petro in episcopatu romano succedunt, supremam Ecclesiae potestatem obtinent jure divino. *Definimus, sanctam Apostolicam Sedem et Romanum Pontificem in universum orbem tenere primatum, et ipsum Pontificem Romanum successorem esse beati Petri, principis Apostolorum, et verum Christi vicarium totiusque Ecclesiae caput, et omnium christianorum patrem ac doctorem existere, et ipse in beato Petro pasce, regendi ac gubernandi universalem Ecclesiam a Domino nostro Jesu Christo plenam potestatem traditam esse; quemadmo-*

(1) Hom. LXXXVIII., in Joan., n. 1.

(2) II. Thessalon., II, 16.

(3) Sermo IV, cap. II.

(4) Epistolarum, lib. V, epist. XX.

(5) S. Leo M., sermo III, cap. III.

dum etiam in gestis aecumenicorum conciliorum et in sacris canonibus continetur (1). Similiter Concilium Lateranense IV: *Romana Ecclesia... disponente Domino, super omnes alias ordinariae potestatis obtinet principatum, utpote mater universorum Christifidelium et magistra*. Antecesserat consensus antiquitatis, quae episcopos romanos sine ulla dubitatione sic semper observavit et coluit ut beati Petri legitimos successores. Quem vero lateat quot in eandem rem extent et quam luculenta sanctorum patrum testimonia? Illud valde praeclarum Irenaei qui cum de Ecclesia romana dissereret, *ad hanc enim, inquit, Ecclesiam propter potiore principalem necesse est omnem convenire Ecclesiam* (2). Ac Cyprianus itidem de Ecclesia romana affirmat, eam esse *Ecclesiae catholicae radicem et matricem* (3), *Petri Cathedram atque Ecclesiam principalem, unde unitas sacerdotalis exorta est* (4). *Cathedram* Petri appellat quippe quam insidet Petri successor: *Ecclesiam principalem* ob principatum Petro ipsi et legitimis successoribus collatum: *unde unitas exorta*, quia in christiana republica caussa efficiens unitatis est Ecclesia romana. Quare Hieronymus iis verbis Damasum affatur: *Cum successore piscatoris et discipulo crucis loquor... Beatitudini tuae, id est Cathedrae Petri communione consocior. Super illam petram aedificatam Ecclesiam scio* (5). Sollemne illi est, catholicum hominem ex conjunctione cum romana Petri sede internorcere: *Si quis Cathedrae Petri jungitur, meus est* (6). Neque absimili ratione Augustinus, palam testatus, *in romana Ecclesia semper Apostolicae cathedrae viguisse principatum* (7), negat esse catholicum, quicumque a fide romana dissentiat: *Non crederis veram fidem tenere catholicam, qui fidem non doces esse servandam romanam* (8). Item Cyprianus: *Communicare cum Cornelio, hoc est cum catholica Ecclesia communicare* (9). Similiter Maximus Abbas hanc verae fidei veraeque

(1) *Concilium Florentinum.*

(2) *Contra Haereses, lib. III, cap. III, n. 2.*

(3) *Epist. XLVIII, ad Cornelium, n. 3.*

(4) *Epis. LIX, ad eumd., n. 14.*

(5) *Epist. xv, ad Damasum, n. 2.*

(6) *Epist. xvi, ad Damasum, n. 2.*

(7) *Epist. XLIII, n. 7.*

(8) *Sermo cxx, n. 13.*

(9) *Epist. LV, n. 1.*

communione notam esse docet, subesse Pontifici romano: *Itaque si vult haereticus non esse neque audire, non isti aut illi satisfaciat. . Festinet pro omnibus sedi romanae satisfacere. Hac enim satisfacta, communiter ubique omnes pium hunc et orthodoxum praedicabunt. Nam frustra solummodo loquitor, qui mihi similes suadendos putat, et non satisfacit et implorat sanctissimae romanorum Ecclesiae beatissimum Papam, id est Apostolicam Sedem. Cujus rei causam rationemque in eo affirmat residere, quod ab ipso incarnato Dei Verbo, sed et omnibus sanctis synodis, secundum sacros canones et terminos, universarum quae in toto terrarum orbe sunt sanctarum Dei Ecclesiarum in omnibus et per omnia percepit et habet imperium, auctoritatem et potestatem ligandi et solvendi. Cum hoc enim ligat et solvit, etiam in coelo Verbum, quod coelestibus virtutibus principatur (1) Quod igitur erat in fide christiana, quod non una gens, aut una aetas, sed aetates omnes, et Oriens pariter atque Occidens agnoscere atque observare consueverat, id meminit, nullo contradicente, ad Ephesinam Synodum Philippus presbyter, a Pontifice legatus: *Nulli dubium est, imo saeculis omnibus notum, quod sanctus beatissimusque Petrus, Apostolorum princeps et capus, fideique columna et Ecclesiae catholicae fundamentum, a Domino nostro Jesu Christo, salvatore humani generis ac redemptore, claves regni accepit, solvendique ac ligandi peccata potestas ipsi data est, qui ac hoc usque tempus et semper in suis successoribus vivit et iudicium exercet (2).* Eademque de re in omnium cognitione versatur Concilii Chalcedonensis sententia: *Petrus per Leonem... loquutus est (3):* cui vox Concilii Constantinopolitani III resonat, tamquam imago: *Summus nobiscum concertabat Apostolorum princeps: illius enim imitatore et Sedis successorem habuimus factorem... echarta et atramentum videbatur, et per Agathonem Petrus loquebatur (4)* In formula catholicae professionis ab Hormisda conceptis verbis, ineunte saeculo sexto, proposita, cui tum Justinianus Imperator, tum Epiphanius, Joannes, et Menna Patriar-*

(1) *Defloratio in Epistola ad Petrum illustrem.*

(2) Actio III.

(3) Actio II.

(4) Actio XVIII.

chae subscripserunt, illud est magna vi sententiarum declaratum: *Quia non potest Domini nostri Jesu Christi praetermitti sententia dicentis: Tu es Petrus, et super hanc petram aedificabo Ecclesiam meam... haec quae dicta sunt, rerum probantur ejectibus, quia in Sede Apostolica citra maculam semper est catholica servata religio* (1), Nolumus quidem persequi singula: libertamen formulam fidei meminisse, quam Michael Palaeologus in Concilio Lugdunensi II professus est; *Ipsa quoque sancta romana Ecclesia summum et plenum primatum et principatus super universam Ecclesiam catholicam obtinet, quem se ab ipso Domino in beato Petro, Apostolorum principe sive vertice, cujus romanos Pontifex est successor, cum potestatis plenitudine recepisse veraciter et humiliter recognoscit. Et sicut prae ceteris tenetur fidei veritatem defendere, sic et si quae de fide subortae fuerint quaestiones, suo debent iudicio definiiri* (2).

Si Petri ejusque successorum plena ac summa potestas est, ea tamen esse ne putetur sola. Nam qui Petrum Ecclesiae fundamentum posuit, idem *elegit duodecim... quos et apostolos nominavit*. (3) Quo modo Petri auctoritatem in romano Pontifice perpetuam permanere necesse est, sic Episcopi, quod succedunt Apostolis, horum potestatem ordinariam hereditate capiunt; ita ut intimam Ecclesiae constitutionem ordo episcoporum necessario attingat. Quamquam vero neque plenam neque universalem ii, neque summam obtinent auctoritatem, non tamen *vicarii romanorum pontificum* putandi, quia potestatem gerunt sibi propriam, verissimeque populorum, quos regunt, *antistites ordinarii* dicuntur.

JUNTA DIOCESANA DE REPARACION DE TEMPLOS
DEL OBISPADO DE LEON

En virtud de lo dispuesto por Real orden de 19 de Agosto, se ha señalado el día 25 de Septiembre próximo á la hora de las doce de su mañana, para la adjudicación en pública subasta de las obras de reparación extraordi-

(1) Post Epistolam xxvi, ad omnes Episc Hispan, n. 4.

(2) Actio iv.

(3) Luc., vi, 13.

naria de la 2.^a sección del templo parroquial de Pedrosa del Rey, bajo el tipo del presupuesto de contrata, importante la cantidad de *cuatro mil seiscientas cincuenta y nueve pesetas, noventa y cinco céntimos*.

La subasta se celebrará en los términos prevenidos en la Instrucción publicada con fecha 28 de Mayo de 1877, en el Palacio Episcopal ante esta Junta diocesana, hallándose de manifiesto en la Secretaría de la misma, para conocimiento del público los planos, presupuestos, pliegos de condiciones y memoria explicativa del proyecto. Las proposiciones se presentarán en pliegos cerrados, ajustándose en su redacción al adjunto modelo, debiendo consignarse previamente, como garantía para tomar parte en la subasta, la cantidad de *doscientas treinta y ocho pesetas* en dinero ó en efectos de la Deuda, conforme á lo dispuesto por Real decreto de 29 de Agosto de 1876. A cada pliego de proposición deberá acompañar el documento que acredite haber verificado el depósito del modo que previene dicha Instrucción.

León, 29 de Agosto de 1896. — EL PRESIDENTE,
Domingo Argüeso.

Modelo de proposición.

D. N. N., vecino de..... enterado del anuncio publicado con fecha de..... de..... y de las condiciones que se exigen para la adjudicación de las obras de..... se compromete á tomar á su cargo la construcción de las mismas con estricta sujeción á los expresados requisitos y condiciones por la cantidad de.....

(Fecha y firma del proponente.)

NOTA. Las proposiciones que se hagan serán admitiendo ó mejorando lisa y llanamente el tipo fijado en los anuncios; advirtiéndose que será desechada toda proposición en que no se exprese determinadamente la cantidad en pesetas y céntimos escrita en letra, por la que se compromete el proponente á la ejecución de las obras.